

Nga orte­kët dhe për­mytjet e shkaktuara nga bora dhe shirat e dendur në rajone të ndryshme të Afganistanit kanë humbur jetën 220 persona dhe afërsisht 100 të tjerë janë plagosur, raporton Anadolu Agency (AA).

Prefekti i Pencshir, Abdul Rahman Kabiri në një deklaratë për gazetarin e AA theksoi se si pasojë e dhjetëra orte­këve të shkaktuar si pasojë e reshjeve të dëborës për 4 ditë me rradhë numri të vdekurve ka arritur në 187 dhe se trupat që ndodheshin poshtë dëborës janë nxjerrë.

Kabiri ka theksuar se nga orte­kët në qytetin Pencshir i cili gjendet në veri-lindje të Afganistanit janë plagosur afërsisht 74 persona dhe se mbi 100 shtëpi janë dëmtuar. Ai ka pohuar më tej se kanë shpërndarë ndihma ndaj personave që i janë dëmtuar shtëpitë, por se ka nevojë për më shumë ndihma për këto persona.

- Si pasojë e orte­kut në qytetin Badahshan humbin jetën 18 persona

Në anën tjetër njoftohet se 18 persona kanë humbur jetën si pasojë e një orte­ku në Maymey të qytetit Badahshan në verilindje të Afganistanit. Zëdhënësi i prefekturës Badahshan Ahmed, Navid Furuten në një deklaratë për gazetarin e AA ka theksuar se si pasojë e reshjeve të dendura të dëborës në fshatin Tangi të Maymey është krijuar një orte­k ku si pasojë e tij kanë humbur jetën 18 persona përfshirë gra dhe fëmijë dhe se janë dëmtuar 11 shtëpi.

Furuten ka theksuar se për shkak të rrugëve të bllokuara nuk është bërë e mundur dërgimi i ndihmave. Edhe 4 ditë më parë në fshatin Kexhler të Ragistan në Bahashan si pasojë e orte­kut kishin humbur jetën 12 persona.

Ndërsa në qytetet Lagman, Nangarhar dhe Kapisa të Afganistanit për shkak të për­mytjeve të shkaktuara nga shirat e dendur kanë humbur jetën 15 persona, janë plagosur 26 të tjerë dhe shumë shtëpi dhe toka bujqësore janë shkatërruar.